

25. januar 2008
16.10.2007

UPA 2008/17
UKA 2007/62

Inuussutissarsiutinut ilinniartitaanerit inuussutissarsiutinullu pikkorissartitsisarnerit pillugit Inatsisartut peqqussutaata nr. 2, 31. maj 1999-imeersup allangortinneqarnera pillugu Inatsisartut peqqussutissaattut siunneruut.

(Inuussutissarsiutinut pikkorissartitsisarnerni tapiissuteqartarnermut inatsisini pineqartut annertusineqarnerat, sungiusaammik sulinermi akissarsianut maleruagassat, kiisalu suliassa qarfiup allangorneranut tunngatillugu erseqqissaatit)

§ 1

Inuussutissarsiutinut ilinniartitaanerit inuussutissarsiutinullu pikkorissartitsisarnerit pillugit Inatsisartut peqqussutaata nr. 2, 31. maj 1999-imeersup Inatsisartut peqqussutaatigut nr. 11, 18. december 2003-meersukkut allangortinneqartoq, imaattunik allannguuteqartinneqassaaq:

**1. Inatsisartut peqqussutaata taaguutaa imatut oqaasertalerneqassaaq:
"Inuussutissarsiutinut ilinniartitaanerit inuussutissarsiutinullu pikkorissartitsisarnerit pillugit inatsisartut peqqussutaat"**

2. Qulequtaq § 1 sioqqullugu, imatut oqaasertaqassaaq:

"Siunertaq".

3. Inatsisartut peqqussutaanni allassimasut "inuussutissarsiutinut ilinniartitaanermi pikkorissarneq" tamarmik allangortinneqassapput: "pikkorissarnerit, inuussutissarsiutinut ilinniartitaanerimut tunngasut".

4. § 3-mi allangortinneqassaaq: "Kulturimut, Ilinniartitaanerimut Ilisimatusarnermullu" imaalillugu: "Inuussutissarsiutinut ilinniartitaanerit".

5. Inatsisartut peqqussutaanni allassimasut " Kulturimut, Ilinniartitaanerimut Ilisimatusarnermullu" tamarmik allangortinneqassapput imaalillugit: "Ilinniartitaanerimut Pisorta qarfik".

6. § 6, imm. 1-imi oqaaseqatigiinni siullerni, "ilinniartitaanerit nutaat" kingorna ivertinneqassaaq, akuersissutigisassavaat brancheudvalg-it ilinniartitaanerimut pilersaarutini inassuteqareernerisigut".

7. § 22, *imm. 1*, atorunnaarsinneqassaaq.

Imm. 2 taamaalilluni *imm. 1*-ingussaaq.

8. § 36 imatut oqaasertalerneqassaaq:

"Ilinniagaqartoq inuussutissarsiutinut ilinniartitaanermut atasumik sungiusaammik suliffeqartoq sungiusaammik sulinermini akissarsiaqartineqassaaq isumaqatigiissut atuuttoq naapertorlugu, aammalu immikkut tapiissutinik pisartagaqassalluni Inatsisartut ilinniartuunersiateqartarnermut peqqussutaat naapertorlugu. Sungiusaammik suliffigineqartoq ataatsimoorussamik isumaqatigiissutaasunik tunngavissaqanngippat, ilinniagaqartoq minnerpaamik akissarsiaqarlunilu sulinermini atugassaqartinneqassaaq pisortat sulisitsisuini ilinniagaqartut sulinerminni atugassaqartitaanerak akissarsiaqartitaanerallu pillugu isumaqatigiissutaasut tunngavigalugit.

Stk. 2. Ilinniagaqartoq inuussutissarsiutinut ilinniartitaanerni atuartuusooq ilinniagarnersiateqartinneqassaaq inatsisartut ilinniagaqarnersiateqarneq pillugu peqqussutaat naapertorlugu."

9. § 47 sioqqullugu qulequtaasooq imatut oqaasertalerneqassaaq:

"Pikkorissaanerit inuussutissarsiutinut ilinniartitaanernut tunngasut".

10. § 47 imatut oqaasertalerneqassaaq:

"§ 47. Aningaasanut inatsimmi aningaasaliissutaasimasut iluanni tapiissuteqartoqarsinnaavoq pikkorissaanernut inuussutissarsiutinut ilinniartitaanermut tunngasunut, suliamik ilinniagalinnut suliamillu ilinniagaqarsimanngitsunut sammititaasunut, tassungalu ilanngullugu suliffissaaleqisunut, annnerpaamik ingerlaqqiffiusumik naatsumilli inuussutissarsiutitsigut ilinniagaqarsimasunut. Aammattaaq inuussutissarsiutinut immikkut tapersorsorniarneqartunut atatillugu pikkorissarnernut aningaasartuutaasunut tapiissuteqartoqarsinnaavoq, namminersortutut inuussutissarsiateqartunut minnerusunik suliffiateqartunut, inuussutissarsiutinut ilinniakkanik ingerlaqqiffiusunik sivikinnerusunik ilinniagaqarsimasunut.

Imm. 2. Pikkorissarnerit inuussutissarsiutinut ilinniartitaanernut ilinniarfinit isumagineqassapput, aammalu tamanut ammasumik neqeroorutigineqassallutik, taamaattoq *imm. 3* naapertorlugu.

Imm. 3. Taamaattoq *imm. 2*-mi taamatut allassimasoqaraluartooq pikkorissarnernut tapiissuteqartoqarsinnaavoq, pikkorissaasartut allat neqeroorutaannut, pikkorissaanernik assingusunik inuussutissarsiutinut ilinniarfinit neqerooruteqartoqanngippat. Tamatumalu saniatigut inuit ataasiakkaat pikkorissarnernut peqataanissaannut tapiissuteqartoqarsinnaavoq, pikkorissarnernut inuussutissarsiutinut ilinniarfinit neqeroorutigineqangitsunut.

Imm. 4. Taamaallaat qinnuteqartoqarnera tunngavigalugu tapiissuteqartoqarsinnaavoq."

11. § 49 imatut oqaasertalerneqassaaq:

"§ 49. Naalakkersuisut maleruagassiorsinnaapput pikkorissaanerit tapiissuteqarfigineqarsinnaasut siunertaat pillugit, tapiissuteqartarnermi piumasarisat pillugit, tassungalu ilanngullugu tapiiffigineqarnissamut qinnuteqarnermi periusissat

pillugit, tapiissutit annertussusissaat tunniunneqartarnerallu pillugu, tassunga ilanngullugit ullormut tunniunneqarsinnaasut annertussusissaat pillugu, aammalu pikkorissartitsisarnerni nalinginnaasumik maleruagassaqarnissaa pillugu."

§ 2

Inatsisartut peqqussutaat atortuulerpoq 1. januar 2008.

Namminersornerullutik Oqartussat, ulloq xx.xx. 2007

Hans Enoksen

/

Siverth K. Heilmann